

神淳名川耳天皇 綏靖天皇

磯城津彥玉手看天皇 安寧天皇

大日本彥耜友天皇 懿德天皇

觀松彥香殖稻天皇 孝昭天皇

日本足彥國押人天皇 孝安天皇

大日本根子彥太瓊天皇 孝靈天皇

大日本根子彥國牽天皇 孝元天皇

稚日本根子彥大日々天皇 開化天皇

神淳名川耳天皇 綏靖天皇

神淳名川耳天皇、神日本磐余彥天皇第三子也。母曰媛蹈鞬五十鈴媛命。事代主神之次女也。天皇風姿岐嶷。少有雄拔之氣。及壯容貌魁偉。武藝過人。而志尚沈毅。至三冊八歲、神日本磐余彥天皇崩。時神淳名川耳尊、孝性純深、悲慕無已。特留心於喪葬之事焉。其庶兄手研耳命、行年已長、久歷朝機。故亦委事而親之。然其王立操厝懷、本乖仁義。遂以諒闇之際、威福自由。苞藏禍心、圖害二弟。于時也、太歲己卯。○冬十一月、神淳名川耳尊、與兄神八井耳命、陰知其志、而善防之。至於山陵事畢、乃使弓部稚彥造弓、倭鍛部天津眞浦造眞麁鏃、矢部作箭。及弓矢既成、神淳名川耳尊、欲以射殺手研耳命。會有手研耳命於片丘大窰中、獨臥于大牀。時淳名川耳尊、謂神八井耳命曰、今適其時也。夫言貴密、事宜慎。故我之陰謀、本無預者。今日之事、唯吾與爾自行之耳。香當先開窰戶。爾其射之。因相隨進入。神淳名川耳尊、突開其戶。神八井耳命、則手脚戰慄、不能放矢。時神淳名川耳尊、掣取其兄所持弓矢、而射手研耳命。一發中胸。再發中背、遂殺之。於是、神八井耳命、慙然自服。讓於神淳名川耳尊曰、吾是乃兄、而懦弱不能致果。今汝特挺神武、自誅元惡。宜哉乎、汝之光臨天位、以承皇祖之業。吾當爲汝輔之、

奉<sub>中</sub>典神祇<sub>上</sub>者。是即多臣之始祖也。

元年春正月壬申朔己卯、神渟名川耳尊、即天皇位。都<sub>二</sub>葛城<sub>一</sub>。是謂<sub>二</sub>高丘宮<sub>一</sub>。尊<sub>二</sub>皇后<sub>一</sub>曰<sub>二</sub>皇太后<sub>一</sub>。◎是年也、太歲庚辰。

二年春正月、立<sub>二</sub>五十鈴依媛<sub>一</sub>爲<sub>二</sub>皇后<sub>一</sub>。【一書云、磯城縣主女川派媛。一書云、春日縣主大日諸女糸織媛也。】即天皇之姨也。后生<sub>二</sub>磯城津彥玉手看天皇<sub>一</sub>。

四年夏四月、神八井耳命薨。即葬<sub>二</sub>于畝傍山北<sub>一</sub>。

廿五年春正月壬午朔戊子、立<sub>二</sub>皇子磯城津彥玉手看尊<sub>一</sub>、爲<sub>二</sub>皇太子<sub>一</sub>。

卅三年夏五月、天皇不豫。○癸酉、崩。時年八十四。

### 磯城津彥玉手看天皇 安寧天皇

磯城津彥玉手看天皇、神渟名川耳天皇太子也。母曰<sub>二</sub>五十鈴依媛命<sub>一</sub>。事代主神之少女也。天皇以<sub>二</sub>神渟名川耳天皇廿五年<sub>一</sub>、立爲<sub>二</sub>皇太子<sub>一</sub>。年廿一。○卅三年夏五月、神渟名川耳天皇崩。其年七月癸亥朔乙丑、太子即天皇位。

元年冬十月丙戌朔丙申、葬<sub>二</sub>神渟名川耳天皇於倭桃花鳥田丘上陵<sub>一</sub>。尊<sub>二</sub>皇后<sub>一</sub>曰<sub>二</sub>皇太后<sub>一</sub>。◎是年也、太歲癸丑。

二年、遷<sub>二</sub>都於片鹽<sub>一</sub>。是謂<sub>二</sub>浮孔宮<sub>一</sub>。

三年春正月戊寅朔壬午、立<sub>二</sub>渟名底仲媛命<sub>一</sub>、【亦曰<sub>二</sub>渟名襲媛<sub>一</sub>。】爲<sub>二</sub>皇后<sub>一</sub>。【一書云、磯城縣主葉江女川津媛。一書云、大間宿禰女糸井媛。】先是、后生<sub>二</sub>一皇子<sub>一</sub>。第一曰<sub>二</sub>息石耳命<sub>一</sub>。第二曰<sub>二</sub>大日本彥耜友天皇<sub>一</sub>。【一云、生<sub>二</sub>三皇子<sub>一</sub>。第一曰<sub>二</sub>常津彥耜兄<sub>一</sub>。第二曰<sub>二</sub>大日本彥耜友天皇<sub>一</sub>。第三曰<sub>二</sub>磯城津彥命<sub>一</sub>。】

十一年春正月壬戌朔、立<sub>二</sub>大日本彥耜友尊<sub>一</sub>、爲<sub>二</sub>皇太子<sub>一</sub>也。弟磯城津彥命、是豬使連之始祖也。

卅八年冬十二月庚戌朔乙卯、天皇崩。時年五十七。

大日本彥耜友天皇 懿德天皇

大日本彥耜友天皇、磯城津彥玉手看天皇第二子也。母曰<sub>三</sub>淳名底仲媛命<sub>一</sub>。事代主神孫、鴨王女也。磯城津彥玉手看天皇十一年春正月壬戌、立爲<sub>三</sub>皇太子<sub>一</sub>。年十六。

○卅八年冬十二月、磯城津彥玉手看天皇崩。

元年春二月己酉朔壬子、皇太子卽天皇位。○秋八月丙午朔、葬<sub>三</sub>磯城津彥玉手看天皇於畝傍山南御陰井上陵<sub>一</sub>。○九月丙子朔乙丑、尊<sub>三</sub>皇后<sub>一</sub>曰<sub>三</sub>皇太后<sub>一</sub>。◎是年也、太歲辛卯。二年春正月甲戌朔戊寅、遷<sub>三</sub>都於輕地<sub>一</sub>。是謂<sub>三</sub>曲峽宮<sub>一</sub>。○二月癸卯朔癸丑、立<sub>三</sub>天豐津媛命<sub>一</sub>爲<sub>三</sub>皇后<sub>一</sub>。【一云、磯城縣主葉江男弟猪手女泉媛。一云、磯城縣主太眞稚彥女飯日媛色。】后、生<sub>三</sub>觀松彥香殖稻天皇<sub>一</sub>。【一云、天皇母弟武石彥奇友背命。】廿二年春二月下未朔戊午、立<sub>三</sub>觀松彥香殖稻尊<sub>一</sub>、爲<sub>三</sub>皇太子<sub>一</sub>。年十八。

卅四年秋九月甲子朔辛未、天皇崩。

觀松彥香殖稻天皇 孝昭天皇

觀松彥香殖稻天皇、大日本彥耜友天皇太子也。母皇后天豐津媛命、息石耳命之女也。天皇、以<sub>三</sub>大日本彥耜友耜天皇廿二年春二月丁未朔戊午<sub>一</sub>、立爲<sub>三</sub>皇太子<sub>一</sub>。○卅四年秋九月、大日本彥耜友天皇崩。明年冬十月戊午朔庚午、葬<sub>三</sub>大日本彥耜友天皇於畝傍山南織沙谿上陵<sub>一</sub>。

元年春正月丙戌朔甲午、皇太子卽天皇位。○夏四月乙卯朔己未、尊<sub>三</sub>皇后<sub>一</sub>曰<sub>三</sub>皇太后<sub>一</sub>。○秋七月、遷<sub>三</sub>都於掖上<sub>一</sub>。是謂<sub>三</sub>池心宮<sub>一</sub>。◎是年也、太歲丙寅。

廿九年春正月中辰朔丙午、立<sub>三</sub>世襲足媛爲<sub>三</sub>皇后<sub>一</sub>。【一云、磯城縣主葉江女淳名城津媛。一云、倭國豐秋狹太媛女大井媛也。】后生<sub>三</sub>天足彥國押人命<sub>一</sub>。日本足彥國押人天皇<sub>一</sub>。

六十八年春正月丁亥朔庚子、立<sub>三</sub>日本足彥國押人尊<sub>一</sub>、爲<sub>三</sub>皇太子<sub>一</sub>。年廿。天足彥

國押人命、此和珥臣等始祖也。

八十三年秋八月丁巳朔辛酉、天皇崩。

日本足彥國押人天皇 孝安天皇

日本足彥國押人天皇、觀松彥香殖稻天皇第二子也。母曰三世襲足媛。尾張連遠祖瀛津世襲之妹也。天皇、以觀松彥香殖稻天皇六十八年春正月、立爲皇太子。

○八十三年秋八月、觀松彥香殖稻天皇崩。

元年春正月乙酉朔辛亥、皇太子卽天皇位。

○秋八月辛巳朔、尊皇后曰皇太后。◎是年也、太歲己丑。

二年冬十月、遷都於室地。是謂秋津嶋宮。

廿六年春二月己丑朔壬寅、立姪押媛爲皇后。【一云、磯城縣主葉江女長媛。

一云、十市縣主五十坂彥女五十坂媛也。】后生大日本根子彥太瓊天皇。

卅八年秋八月丙子朔己丑、葬觀松彥香殖稻天皇子掖上博多山上陵。

七十六年春正月乙巳朔癸酉、立大日本根子彥太瓊尊、爲皇太子。年廿六。

百二年春正月戊戌朔丙午、天皇崩。

大日本根子彥太瓊天皇 孝靈天皇

大日本根子彥太瓊天皇、日本足彥國押人天皇太子也。母曰押媛。蓋天足彥國押人命之女乎。天皇、以日本足彥國押人天皇七十六年春正月、立爲皇太子。○百二年春正月、日本足彥國押人天皇崩。○秋九月甲午朔丙午、葬日本足彥國押人天皇子玉手丘上陵。○冬十二月癸亥朔丙寅、皇太子遷都於黑田。是謂廬戶宮。

元年春正月壬辰朔癸卯、太子卽天皇位。尊皇后曰皇太后。◎是年也、太歲辛未。

二年春二月丙辰朔丙寅、立<sub>二</sub>細媛命<sub>一</sub>、爲<sub>二</sub>皇后<sub>一</sub>。【一云、春日千乳早山香媛。一云、十市縣主等祖女眞舌媛也。】后生<sub>二</sub>大日本根子產國牽天皇<sub>一</sub>。妃倭國香媛、【亦名<sub>二</sub>緬某姉<sub>一</sub>。】生<sub>二</sub>倭迹々日百襲姬命<sub>一</sub>・彥五十狹芹彥命【亦名<sub>二</sub>吉備津彥命<sub>一</sub>。】・倭迹々稚屋姬命<sub>一</sub>。亦妃<sub>二</sub>緬某弟<sub>一</sub>、生<sub>二</sub>彥狹嶋命<sub>一</sub>・稚武彥命<sub>一</sub>。弟<sub>二</sub>稚武彥命<sub>一</sub>、是<sub>二</sub>吉備臣之始祖也<sub>一</sub>。

卅六年春正月己亥朔、立<sub>二</sub>彥國牽尊<sub>一</sub>、爲<sub>二</sub>皇太子<sub>一</sub>。  
七十六年春二月丙午朔癸丑、天皇崩。

### 大日本根子彥國牽天皇 孝元天皇

大日本根子彥國牽天皇、大日本根子彥太瓊天皇太子也。母曰<sub>二</sub>細媛命<sub>一</sub>。磯城縣主大目之女也。天皇以<sub>二</sub>大日本根子彥太瓊天皇卅六年春正月<sub>一</sub>、立爲<sub>二</sub>皇太子<sub>一</sub>。年十九。○七十六年春二月、大日本根子彥太瓊天皇崩。

元年春正月辛未朔甲申、太子卽天皇位。尊<sub>二</sub>皇后<sub>一</sub>曰<sub>二</sub>皇太后<sub>一</sub>。◎是年也、太歲丁亥。

四年春三月甲申朔甲午、遷<sub>二</sub>都於輕地<sub>一</sub>。是謂<sub>二</sub>境原宮<sub>一</sub>。

六年秋九月戊戌朔癸卯、葬<sub>二</sub>大日本根子彥太瓊天皇于片丘馬坂陵<sub>一</sub>。

七年春二月丙寅朔丁卯、立<sub>二</sub>鬱色謎命<sub>一</sub>爲<sub>二</sub>皇后<sub>一</sub>。々生<sub>二</sub>男一女<sub>一</sub>。第一曰<sub>二</sub>大彥命<sub>一</sub>。第二曰<sub>二</sub>稚日本根子彥大日々天皇<sub>一</sub>。第三曰<sub>二</sub>倭迹々姬命<sub>一</sub>。【一云、天皇母弟少彥男心命也。】妃伊香色謎命生<sub>二</sub>彥太忍信命<sub>一</sub>。次妃河內青玉繫女埴安媛生<sub>二</sub>武埴安彥命<sub>一</sub>。兄大產命、是阿倍臣・膳臣・阿閉臣・狹々城山君・筑紫國造・越國造・伊賀臣、凡七族之始祖也。彥太忍信命、是武內宿禰之祖父也。

廿二年春正月己巳朔壬午、立<sub>二</sub>稚日本根子彥大日日尊<sub>一</sub>、爲<sub>二</sub>皇太子<sub>一</sub>。年十六。

五十七年秋九月壬申朔癸酉、大日本根子彥國牽天皇崩。

稚日本根子彥大日日天皇 開化天皇

稚日本根子彥大日日天皇、大日本根子彥國牽天皇第二子也。母曰鬱色謎命。穗積臣遠祖鬱色雄命之妹也。天皇、以大日本根子彥國牽天皇廿二年春正月、立爲皇太子。年十六。○五十七年秋九月、大日本根子彥國牽天皇崩。○冬十一月辛未朔壬午、太子卽天皇位。

元年春正月庚午朔癸酉、尊皇后曰皇太后。○冬十月丙申朔戊申、遷都于春日之地。【春日、此云箇酒鵝。】是謂率川宮。【率川、此云伊社箇波。】◎是年也、太歲甲申。

五年春二月丁未朔壬子、葬大日本根子彥國牽天皇于劔池嶋上陵。

六年春正月辛丑朔甲寅、立伊香色謎命爲皇后。【是庶母也。】后生御間城入彥五十瓊殖天皇。先是、天皇、納丹波竹野媛爲妃。生彥湯產隅命。【亦名彥蔣實命。】次妃和珥臣遠祖姥津命之妹姥津媛生彥坐王。

廿八年春正月癸巳朔丁酉、立御間城入彥尊、爲皇太子。年十九。

六十年夏四月丙辰朔甲子、天皇崩。○冬十月癸丑朔乙卯、葬于春日率川坂本陵。

【二六、坂上陵。時年百十五。】

日本書紀卷第四